

摘藻堂四庫全書薈要

集部

欽定四庫全書薈要卷二萬五百十一

集部

明詩綜卷三十八

翰林院檢討朱彞尊編

呂 柟 一首

柟字仲木高陵人正德戊辰賜進士第一累官
南京禮部右侍郎贈尚書諡文簡有涇野集

天津

天津城外水浮天海口東來萬里烟遙見帆檣雲外落

却疑日月鏡中懸鶴巢不避波濤險蜃閣常依島嶼連
愧是乘槎銀漢客幾回吟望斗牛邊

景 暘 二首

暘字伯時儀真人僑居南京正德戊辰賜進士

第二仕至南京春坊中允掌國子司業事有前

溪集

顧華玉云中允詩主盛唐蕭散遺俗詞鋒
沛發靡不中的 陳羽伯云公詩瀟灑直

寫性情無論唐宋 歐楨伯云伯時文法兩漢
詩主盛唐與蔣子雲趙叔鳴朱升之號江北四

子

靜志居詩話前溪集久遂失傳從盧子明廣陵詩選錄得二首其與陳玉泉論詩云辭取達意若惟以摹擬為工尺寸寸寸按古人之跡務求肖似何以達吾意乎蓋亦矯北地之弊者

懷水部蔣子雲

碁局經旬隔壺觴勝引稀蕭條憐我輩鄰比有魚磯雲竹晴還雨風花落更飛相期過山館小坐可忘歸

送陳戶部南使

使節乘春色家園喜便過草堂寒雨細江堰晚雲多綠柳臨歧折青驪傍酒歌仍聞赴吳會勝事更如何

王崇慶 二首

崇慶字德徵開州人正德戊辰進士累官戶部
尚書贈太子少保有端溪先生集

送馬守之澤州

寂寞山城裏春風未有花野塘新水細茅店酒旗斜故
國音書斷長安道路賒何時共知己傾倒酌流霞

舟次德州

遠浦漁舟小寒天柿葉稀歸心正愁絕一雁夕陽飛

唐龍七首

龍字虞佐蘭谿人正德戊辰進士累官太子太

保吏部尚書卒贈少保謚文襄有漁石集

王元美云

唐虞佐如苦行頭陀終少玄解

穆敬甫云唐

公詩若甲冑明光赫然耀日

顧玄言云文襄

風度瓌爽頗臻古雅 陳卧子云漁石

五言本之少陵已涉藩籬漸窺堂奧

詩話文襄敬歷中外宦轍所至必有留題其詩

長於五律句如鶯花邊地少風雨暮春多雲氣

雨中白山先鳥外青斷湟春水淺亂石曉山稠

赤峽青冥外飛泉急雨中星臨河影動風入鼓

聲高野水流漁市山雲進郭門雪埋青兕叫霞

引白駕飛細雨孤帆落疎燈兩岸明巖林遺魯

殿馱岫變秦川野鹿避人走山禽向我啼凍雲
投浦宿倦鳥逐風迴百里郵程遠三更候吏稀
殘碁榕葉暑嫩醕菊花天巖置戍樓直峰懸鳥
道斜客身病亦起短髮落還梳竹外青藜杖風
前細葛巾移松邀老圃
失鶴問前村均有風致

送李拱元歸田

春月白如雪春山青如銅楊柳未堪折歸客何怱怱三
徑命中車五湖漾孤蓬從茲謝塵鞅陶然隱者風廣結
桑麻交遠尋麋鹿蹤洪淵縱文魴遙漢矯冥鴻嗤彼風
塵子胡乃長書空

雨懷 二首

細細風前斷踈踈葉上聞
亭臺隱山霧城郭入溪雲
轉益鄉愁亂還憐世事紛
早秋身似雁天外獨思羣
萬樹秋雲裏孤山細雨時
江泥沾落絮花霧困游絲
懷抱為誰好親朋已久辭
東溪讀書處一水護青帷

冬至

天涯長至日燈下遠遊人
薄祿家猶賴休官話未真
歲時愁不住形影自相親
幸有梅花發寒香可結鄰

赦書坪渡渭

渭北津多柳，荒野色連十家橋。
外市雙櫓峽中船，冰響潛魚聽沙明過鳥。
憐蹉跎歸色晚，風雪又殘年。

成縣馬融絳帳臺

太守傳經地，檐輿趁月行。
栗亭秋雨歇，魚峽夜川明。
竹外雙旌出，沙邊一吏迎。
荒臺迷絳帳，失學媿諸生。

送蔣石菴赴湖南

細雨移尊日，溪亭送客時。
風塵千里別，宇宙幾人知。
雪

夜山陰興春天渭北思老來鄉社裏杖屨更追隨

毛伯溫

三首

伯溫字汝厲吉水人正德戊辰進士除紹興府
推官徵拜河南道御史歷按福建河南湖廣陞
大理寺丞擢都察院右僉都御史巡撫寧夏山
西順天回理院事陞右副都御史工部尚書改
兵部從駕南征加太子太保天啟初追謚襄懋

有東塘集

詩話東堂數與夏公謹李獻吉方
思道相酬和故其詩頗具風格

盩池驛留別張僉憲

共事未半載何當別
息息對酒不能言
沙磧驚寒風
逖矣西夏區
邊儲恒不充
霜早歲常歎
役繁民多窮
四時勞守堠
終日事臨戎
衣單腹不飽
目擊心以恫
多君計慮周
每與愚議同
正當期展布
方念蘇疲瘞
慚余但謀始
仗君還圖終
愍此邊塞苦
慎勿隳前功

夜泊富陽

秋夜江風急樓船水月明汀洲散漁火烟樹隱山城雁
逐星河沒蟲依草岸鳴鄉心愁欲絕何處擣衣聲

鄰霄臺和丁近齋

殊方久客情能遣高閣同登意忽開過日高帆過西峽
霾雲古樹壓南臺沙村近帶農田出海岸遙看賈舶來
醉下虛亭尋古迹斷碑危碣半莓苔

周金一首

金字子庚南京右衛籍武進人正德戊辰進士

累官太子少保南京戶部尚書贈太子太保謚
襄敏有上谷漁洋二橐

九日中山道中憶故園諸子

攬轡川原秋日晴
岳蓮高竝海雲生
天涯佳節愁中過
塵世歸心夢裏驚
懷李街頭船傍屋
通吳門下水連城
登臨忽憶當時事
落帽風流何限情

潘鑑 二首

鑑字希古婺源人正德戊辰進士累官兵部尚

書兼右副都御史提督兩廣贈太子太保謚襄毅有古泉集

饒家兄希仁

寒雁叫汀洲歸程不可留聊攜季路榼相送仲宣樓歲晚荆門樹風微漢水舟鄉心吾欲折行役幾時休

奉謝中丞北湖公以丹砂見寄

郢雪催殘臘荆雲繫病身雁過南岳近書枉北湖頻梅福非凡吏桃源別有春丹砂開寶訣攜我出風塵

陳達甫云

後半有
逸趣

寇天敘 一首

天敘字子惇榆次人正德戊辰進士除南大理
評事進左寺副遷寧波知府歷應天府丞以都
察院右僉都御史巡撫宣府改撫治鄖陽再改
巡撫甘肅入為刑部右侍郎以憂歸補兵部右
侍郎有涂水集

題畫

十月梅花開已多
蹇驢衝雪野橋過
亦知金紫趨朝貴
奈此當前清興何

歐陽鐸 一首

鐸字崇道泰和人正德戊辰進士歷官吏部右侍郎贈工部尚書謚恭簡有恭簡公遺集

次萍鄉

明發宣風館秋陰得氣饒
雲昏山欲斷泥濘路偏遙
近縣峰頭塔橫江屋底橋
舊時銅漏刻強半土中焦

王應鵬 四首

應鵬字天宇鄞縣人正德戊辰進士累官右副

都御史協理院事有定齋集

李杲堂云先生詩
渾涵高脫即置諸

開元之際可謂大家其視學畿內告誡諸生以
為學先立志不得輕議正人長者自絕於名教
文章無徒仿摹字句其中索然致貽學術之
禍一何深中後來學者之病痛切其言之也

和淵明雜詩 二首

神京四千里遙途今已逼楊柳何蕭蕭秋風吹長陌雲
深塞草黃露重秋江白仰視天宇寬俯覺微軀窄對景

斯悵神當秋頻作客忽憶四明山山中有舊宅

藹藹王朝士謀國如苞桑良穀非不多焉用存秕糠愜
昔宣尼子栖栖亦絕糧鼎烹不足致時運有陰陽義命
儻如此飢來非所傷白雲思故都皎月明東方安得夙
心人共此今夜觴

次瓜州有述

鑿輿將出狩邏騎已先征淮北三年水江西六月兵已
應經睿覽未許括蒼生直北天王地星河永夜橫

曉發淮口

春江歷歷水悠悠一夜東風五兩收
花信不知何地早鄉書猶憶故園秋
年來國是誰能定病起詩懷祇自愁
昨日六飛巡幸後已將寬法遍南州

韓邦奇 二首

邦奇字汝節朝邑人正德戊辰進士歷官浙江
僉事轉山西參議擢僉都御史撫山西入為兵
部侍郎進南京兵部尚書以地震陷死贈太子

少保謚恭簡有苑洛先生集

送唐中丞撫蜀

聖主憂全蜀中丞出上台
蠶叢橫地出熊軾倚天開
節鉞分封陞風霜動栢臺
莫辭前路險後命已相催

再過褫亭

野戍淒淒畫角山城處處寒
砧最是秋風羈客不堪暮
雨鄉心

韓邦靖 六首

邦靖字汝慶邦奇之弟時號二韓正德戊辰進士除工部員外乾清宮災應詔陳言繫錦衣獄

奪官為民起山西左參議有五泉集

王敬夫云五泉古歌

詞浸淫初唐間逼漢魏七言絕句詩類少

陵顧玄言云參議詩道暢時有新語

詩話五泉心慕手追乃在大復比於西原南冷不足方之孟有涯李嵩渚似勝一籌

晚坐

遙峰羅夕日高原藹秋陰天風自何來吹我芳樹林寒蟬發哀調蟋蟀嗣其音歲月日以暮霜露日以深相思

不自遣無乃勞君心持君一杯酒聊以開鬱沉

聞雁

鳴雁蕭蕭下寒燈故故明角聲傳細雨雲色度高城兄
弟無書信乾坤有甲兵秋風歸未得見爾不勝情

寄楊侍御師文

逐客地雖僻故人情不踈已勞千里駕復覩數行書別
思梅花後春風蕙草初江亭一杯酒何日話相於

中秋同何仲默望月

令節他鄉酒闕山獨夜情看花秋露下望月海雲生碧
漢通查近朱樓隔水明南飛有烏鵲作意向人鳴

聖駕西巡歌

渥洼龍馬屬天閑沙苑牛羊入大官八府三邊俱望幸
九重十月未回鑾

谷太監出軍歌

五千精銳下良鄉雲裏旌旗闕日光諸將不知中使貴
夜來馬上別君王

方鵬 十一首

鵬字時舉崑山人正德戊辰進士歷南京武選郎擢山西提學副使以疾辭用薦徵拜春坊庶

子遷太常卿有矯亭集

周子籲云太常詩尚典雅不事雕琢

詩話矯亭古詩效陶近體學白頗饒自得之趣其自題小像云此像何人斯吳淞方矯亭頗記前身事生可六七齡一疾遽天死天地為晦冥蒼頭抱我哭諸婦慟拊膺其家乃城居面北高檐楹臨街列屠沽陰風助哀聲思之宛如昨語及輒涕零性靈想不寐還復得此生乃知記憶

前身事匪獨
鮑井羊環也

感寓 二首

昔從京師歸賀客來滿屋家人紛治具牽羊就屠戮斯
湏立階除羊忽跪而伏亟命舍之去何忍見穀棘君子
充是心當使萬物育如何一命士分符作民牧誅求入
膏髓鞭撻爛肌肉置之囹圄中死者十五六安得如此
羊食飽卧林麓

縣尉謹修職屢受上官咎同僚狡而貪臺章交薦之泣
與妻子謀歸去寧寒飢夷蹠既莫辨守此復何為

知足吟 三首

人見白髮悲我見白髮喜多少賢達人不見白髮死高
才李長吉有道文中子行年未三十相與歸萬里吾生
已倍之對鏡宜莞爾

昔解晉皋組出處頗合宜不幸賤姓名誤為當道知有
詔落致仕再起職論思人皆為我榮我心獨不怡終然
野鹿性不能受銜羈蹤跡日以遠音問日以稀當道赫
然怒奮筆逐去之人皆為我惜我心樂不支豈惟全晚

節亦以釋羣疑地下見先子庶幾無媿辭

山谷忤時宰連貶至宜州僧舍不容居置之南戍樓無
奈風雨寒一疾竟勿瘳旁無期功親棺殮誰與謀予今
老牖下骨肉聚牀頭但見眼前樂不知身後憂康哉復
康哉地下從黔婁

紀異

壬辰夏孟月既望夜入酉東鄰李氏子年可十八九門
外聞作聲蓬蓬似鼓缶開門出視之四鬼捧其首踰牆

更越樹勢若風雷吼
猝至野廟中
亂被老拳毆
父母競號呼
蹤跡竟無有
親鄰各燃炬
訪覓遍林藪
夜半忽自歸
狀貌殊癯醜
其身長丈餘
見者駭而走
入門還復短
瞪目但搖手
母妻環問故
稍語即閉口
青紫色浮面
縲綈痕映肘
僵卧三日甦
不能記誰某
此理終莫詰
語怪戒魯叟

西洲和時鳴韻

水雲深處卜幽棲
不減夔州舊灑西
寒雨渡頭孤艇沒

夕陽江上遠山低
養馴白鴨當門浴
種就黃蘆與屋齊
未識東山歌舞地
祇將尊酒對山妻

留都將歸先呈未齋

羞將白髮戀京華
已辦歸裝路不賒
旋買鷄豚投里社
敢驅鵝鴨惱憐家
春風枕上聞啼鳥
秋水溪頭看泛槎
莫道山翁無一事
借書沽酒亦生涯

生日招遠林

勞勞六十又三年
半在愁邊半客邊
假我餘生還對酒

與人多忤合歸田花前卧疾妨春事枕上敲詩失夜眠
此日江村期一醉淺沙深竹繫吳船

丙申新正試筆和舍弟韻

七十行年祇欠三清時無補自知慙輕寒枕上慵朝起
細雨尊前劇夜談春意熙熙人自樂病懷黯黯我何堪
賣花聲在東風外紅白江梅共一擔

偶作

靜掩荆扉送夕曛幾株殘菊散幽芬一燈影射青綾被

雙杵聲催白練裙老去閒思多舊事客來清話半新聞
酒錢藥價粗能備莫怪先生嬾賣文

方鳳 一首

鳳字時鳴鵬弟同榜進士官監察御史有改亭

集

周子籲云時鳴負氣不肯詭
隨於時肆志自適詩亦豪俊

閒居

自入春來日日閒柴門無客書長闌枕書榻傍階前樹
對酒窓開屋後山葉暗新枝花盡落泥添故壘燕初還

近來識得全生術不放愁催兩鬢斑

邵銳 一首

銳字思抑仁和人正德戊辰進士歷官太僕寺卿贈右副都御史謚康僖有端峰存橐

荅程以道見寄之作兼簡徐用先

近得遼陽信含情仔細看念君同患難垂老各平安野望餘沙漠邊愁重苦寒尺書艱往復惟有勸加餐

孫璽 一首

璽字朝信平湖人正德戊辰進士官至山西按察僉事以子植貴贈刑部尚書有峰溪集

關索嶺

萬里雲南路三年始得歸野梅渾破萼官柳半垂絲嶺峻盤空險城尖疊石危巖疆據形勝天畔控邊陲

程啟充 一首

啟充字以道嘉定州人正德戊辰進士任監察御史贈先祿寺少卿

塞下曲

黑龍江上水雲腥
女直連兵下大寧
五國城頭秋月白
至今哀怨海東青

戴冠

七首

冠字仲鶚信陽人

一云吉水人

正德戊辰進士授戶

部主事以建言貶廣東烏石驛丞起戶部員外

出知延平府改蘇州終山東提學副使有遼谷

集

俞汝成云仲鶚聲調宏邁語意勁拔忼慨激昂有古國士風
穆敬甫云戴詩如丹崖綠

水澹然

有味

詩話仲鸚與仲默同鄉里詩亦同調謂之具體可爾或言其五言律勝於仲默豈篤論乎

曉發

村雞喔喔啼取火照行李
隔籬謝主人出門渡溪水
仰觀羅浮嶺白雲猶未起

立春日舟中題

作客尚無地他鄉空復春
舟中兒女大天末歲時新
樂事喧殊俗窮愁縛遠人
椒盤懷故里腸斷白頭親

南夏

不作炎州客那知宇宙偏日車淹北戶火樹爍南天氣
溽乘宵雨雲蒸挾暮烟波斯夸白氎出入不曾捐

寄王德徵登州

王子十年別封書萬里來乾坤知汝在涕淚向誰開海
國青春隔天隅白髮催相思一搔首獨上越王臺

人日游石磔

人日尋春到海隈新年物色太相催風吹燕子家家入

暖逼桃花樹樹開久住山林殊自適頻來峒客更無猜
黃柑白酒能消渴盡日松間坐不回

雨晴出左掖

北闕春雲散曉扉西山雪口弄晴暉雨聲恨不連三日
松樹須教過十圍歲遠玉螭書未有畫長金馬詔全稀
侍臣欲老惟疎放自歎從容退食歸

贈甘惠州

四百雲峰面面開使君花底放衙回人生豈必二千石

只看羅浮也合來

陸震 一首

震字汝亨蘭溪人正德戊辰進士以車駕員外郎抗疏劾江彬逮繫三杖而死嘉靖初贈太常

寺少卿

詩話太常力批龍鱗九死不悔裏尸之後晝晦如夜海子水溢玉河七鐵柱齊折天變豈不足畏耶詩存無多錄四十字一字一碧血也

朝房待罪

金
卷三十八
驥尾思千里葵心託萬言一身曾許國九死敢忘恩梅
福冠猶在朱雲檻不存空庭對明月古道照乾坤

祝

鑾
二首

鑾字鳴和當塗人正德戊辰進士以祠部郎諫
南巡廷杖仕至廣東布政使有篁溪集

感興

公輸構大厦一人操引繩羣工雖不同各各奏其能用
人不求備負荷隨所勝所以無棄材百堵由茲興或者

太區別聞之為撫膺

仙源

仙源何處來無乃自天上不然瀑布泉那得千萬丈

方豪六首

豪字思道開化人正德戊辰進士除崑山知縣
陞刑部主事諫南巡杖闕下起湖廣僉事進副

使有棠陵集

顧玄言云方詩多出少陵蹊徑
陸次友云棠陵與孫鄭衿契最深

其才雖敏不
及二子遠矣

尋王粲樓故址

仙子乘雲去不還
空餘詞賦落人間
高樓試問今何處
故老相傳是此山
極目平原空悵望
側身塵界欲飛攀
漳沮秋淨征鴻下
越客悲吟鬢已斑

游桃花寺

聽說桃花寺
游人興不禁
桃花今不見
流水尚堪尋

看月

看月月轉明
幽人寂無語
山空秋夜長
松露濕如雨

滄江吟

白髮滄浪酒一尊
丹楓赤壁自成村
沙鷗汀雁真吾侶
垂老何曾識縣門

題畫

亂山兩岸一江橫
烟樹濛濛雨乍晴
釣艇自來還自去
江風不動水禽鳴

鴛鴦湖

鴛鴦湖邊落日明
荷花十里櫂歌聲
丈人自折碧筒飲

醉看秦塘海月生

馬

錄二首

錄字君卿信陽衛籍紹興山陰人正德戊辰進士授固安知縣擢監察御史有百愚集

霸州城行

霸州城外水繞牆霸州城頭戍卒強四門高樓接烟霧
縈迴十里多垂楊去年戈甲滿天地此城南北皆戰場
至今落日照白骨血霑野草猶淋浪當時別縣人皆走

此城之人苦相守五馬使君身姓王募招壯士犒牛酒
遂令萬夫同一心彎弓呼戰不絕口固安與霸為鄰縣
此事分明眼中見乃知設險可守邦區區省費非民便
永清遇雨作

白日永清雨移時不肯休風前當檻落河漢近城流牛
馬誰堪辨蛟龍恐亦愁西歸途路失何處問孤舟

張
綸一首

綸字理之錦衣衛人正德戊辰進士官按察使

僉事嘉靖初以議大禮謫戍雲南

錦衣獄中

重門扃夜月鈴柝轉深更
客夢秋能作扉燈曉尚明
君臣今古義兒女歲時情
起把青銅對愁憐白髮生

胡纘宗 二首

纘宗字孝思一字世甫鞏昌人

一云山西文水人

正德

戊辰進士特授翰林檢討外補嘉定州判移守

潼川遷南戶部郎中改吏部出知安慶府調蘇

州升山東參政改浙江歷河南布政使以右副

都御史巡撫山東改理河道乘輿幸楚纘宗作

詩記事為戶部主事王聯所訐逮下獄尋放歸

有烏鼠山人集

袁永之云先生詩出入漢魏其視昌黎少陵若弗屑者而亦未

始不合也

王元美云胡孝思如嬌兒郎愛吳音興到即謳不必合板

穎敏亦一闕中之雋第

命意淺率不足多傳

詩話孝思詩未入格顧沾沾自喜到處留題當

永陵南巡作詩紀事有云穆王八駿空飛電湘

竹英皇淚不磨用事殊不倫乃刻之於石致騰

讒者之口其得免死幸也謝山人榛贈詩云白

首全生逢聖主青山何意見騷人時孝思年將
八十矣杖劍呻吟猶占韻以謝其意氣有不可
及者然詩實牽率晉江王道思序之稱其宏深
精毅盛歸美於秦風毋亦嗜秦人之炙者與

擬古

二首

驚喜君王至西華夜啓扉後車三十乘載得美人歸

詩話康陵西幸悅樂戶劉良女遂載以歸貯之
騰禧殿號曰夫人及南巡日帝期以中途召之
夫人脫簪子帝以示信帝騎過盧溝亡之大索
不得也行至臨清念夫人召之以不見簪不往
帝不得已兼程抵潞河載夫人偕南寺觀幡幢
列鎮國公疏復繫以名夫人每得竝書嘉靖初
納南京給事中王紀之言俾盡撤去然夫人在
途常諫帝游獵非專以色固寵者烏鼠山人是

詩直書其事亦
取禍之萌也

上馬入黃城嫖姚典禁兵猶言恩寵薄下馬坐團營

丁奉
二首

奉字獻之常熟人正德戊辰進士除行人歷南
京吏部驗封司郎中有南湖留豪

詩話南湖詩不事鍛鍊興酣落筆往往暗合曩
篇句如白蘋風外水紅葉雨中山徑轉花間月
山飛樹杪泉夜橋喧客權曉碓起鄰燈菜甲今
朝雨蒲香隔岸風人當紅樹坐船觸白蘋行白
髮生秋日黃花惜暮年山寒松子落籬暝豆花
深俱有風韻即嘔心撚髭者為之不過爾爾

擬古

白石墜西山明朝出東海天地無終期萬物豈能待
絲花重露零高岸深谷匯昨見朱顏酡今看霜鬢改汎舟
登蓬瀛蓬瀛果誰逮

寄尤少卿宗暘

張翰歸時計亦疎秋風寂寞始登途不思五月清江上
已有鯉魚勝玉鱸

曾璵 一首

璵字東玉瀘州人正德戊辰進士由戶部郎出
知建昌府有少岷存橐

詩話王新建定寧庶人之亂吉安守伍公文定
固稱首功同時贛州則當塗邢珣袁州則武邑
徐璉臨江則臨海戴德孺饒州則晉江林城廣
信則閩周朝佐撫州則鄞陳槐建昌則少岷也
其師至雖有後先實同力共濟少岷有收復南
康功而不見錄纂修地志者皆沒其實故表出
之詩雖未名家
亦清脫無塵氣

南洲歌

南洲春早江蘼生南洲日長沙鳥鳴郎君莫向北湖去

不似南洲烟水平

錢琦 二首

琦字公良海鹽人正德戊辰進士授盱眙知縣
歷南京刑部郎中出知臨江府調思南有東畬

集

顧玄言云臨江詩冲秀彌暢 彭子殷云公良詩春容馴雅每入唐人庭奧

登獻花巖

獻花巖畔寺游子數登臨
花發年年好巖深處處陰
風前收落果坐久換鳴禽
世路何多事看山偶會心

過滁洲

江北滁南數日程蕭蕭落木送秋聲夕陽滿地鳥飛絕
人在亂山堆裏行

凌

楷一首

楷字端甫揚州通州人正德戊辰進士官部

郎中

高郵

孟城勞悵望烟樹一浮洲地濕人多病林寒葉易秋人

家留鳥跡國稅獨漁舟
夜月珠光在多應照客愁

駱用卿 一首

用卿字原忠餘姚人正德戊辰進士官兵部員
外郎

題韓信廟

逐鹿中原漢力微
登壇頓蹙楚軍威
足當躡後猶分土
心未猜時尚解衣
畢竟封侯符蒯徹
幾曾握手到陳希

英魂漫灑荒山淚
秋草長陵久落暉

李獻吉云此題
淮陰廟絕倡也

徐愛一首

愛字曰仁餘姚人正德戊辰進士除知祁州歷

官兵部郎中有橫山集

黃太沖云文成之學得曰仁而門人益親曰仁

之七文成有祝子之慟其詩力未深而不落凡俗

紀遊

壁磴臨絕壑兼乘欲疲馬屢盤羊腸出還驚虎領下逼
險悔初進稍縱覲復假如何窮探心阻困每未舍無端
覓憂虞中止固由我回思競利人何殊履危者

陸伸 一首

伸字安甫太倉人正德戊辰進士官大理評事

河間道中

荒田殘雪啄飢鴉握粟謀炊野店家辛苦莫辭行路遠
冷風三日下牛車

田惟祐 二首

惟祐字裕夫蕭山人正德戊辰進士有滄螺集

詩話裕夫頌解浙閩時名蔚起今則知者寡矣
詩如王謝子弟維未陶鑄毋論風流文采裙屐

亦自
不同

龍游至衢州

龍游接衢州景不殊
蘭溪山少灘瀨多沙石
成長隄溪流時衝決
兩岸無平蹊湍急舟行
速水淺石可攜野曠
少人烟地瘠艱鉏犁
泊舟無村市遇夜隨
停棲幸無狂客驚
惟聞山鳥啼船定水
汨汨篷疎風淒淒寤
寐夢不成候曉無鳴
雞惆悵盼家山遙遙
望中迷

晚登城樓懷友

江城天暝夕陽微
拍拍輕鷗逐浪飛
水郭烟光迷野屋
海天風色上征衣
倚樓長笛家何在
出浦扁舟人未歸
愁絕知心成兩地
目隨征雁思依依

黃 卿 一 首

卿字時庸益都人正德戊辰進士歷官江西布政使有編茗集

三 關 書 事

曾聞甲戌邊聲急
白首追談足愴神
子女牛羊充塞窟

旌笳駝馬暗風塵
山埋戰骨雲長慘
野哭驚沙草不春
舊日債軍今甲第
大廷持法是何人

童寬

一首

寬字栗卿蘭溪人
正德戊辰進士
監察御史改
調平陽推官

雨花臺

阿師何術墮天花
臺迴登臨望眼賒
百里晴山圍帝宅
六朝芳草入僧家
層層樹色寒烟合
歷歷車聲古道斜

鐵鎖銷沈龍戰後
落潮處處咽江沙

明詩綜卷三十八

總校官庶吉士臣張能照

校對官檢討臣盧應

膳錄監生臣徐松

欽定四庫全書薈要

集部

明詩綜卷

三十九
四十

詳校官編修 臣 王天祿



欽定四庫全書薈要卷二萬五百十二

集部

明詩綜卷三十九

翰林院檢討朱彝尊編

慎 二十五首

慎字用脩新都人正德辛未賜進士第一授翰

林脩撰以議太禮泣諫杖謫永昌天啓初追謚

文憲有升菴集

薛君采云用脩窮極詞章之綺麗牢籠載籍之菁華其卓絕之

才弘博之學直欲追軌古人

張愈光云升菴

詩予不喜其深邃而喜其朗爽也

王元美云



楊用脩如暴富兒郎銅山金埒不曉喫飯著衣
又云用脩工於證經而疎於解經詳於禪史而
忽於正史詳於時事而不得詩旨求之宇宙之
外而失之耳目之前又云徐昌穀有六朝之才
而無其學楊用脩有六朝之學而非其才又云
楊修撰之南中豪穠麗婉至華學士之巖居橐
清澹簡遠俱遠勝玉堂之作 穆敬甫云用脩
學富千古人謂其詩不逮學然其詩亦非貞元
以後語也 陳德遠云用脩詩取材六代間似
杜陵 王藩臣云先生詩時而漢魏時而六朝
時而四傑時而李杜其於才無所不構而於體
無所不兼 顧玄言云修撰咀英搜玉咳唾成
珠 陳玉叔云用脩采摭既富蹊徑終存近體
多深沉之思絕句極風人之致又云用脩著書
百餘種時分宜故相乞品詩於萬里外司空劉
元瑞得神樓曲棲息終身其珍重如此至海內

名流若永昌張愈光謂其立朝去國弘業葆貞
華容孫仲可謂其旁通廣畜名高衆忌嘉州程
給事謂其稗官小說因微適道崑山周太僕謂
其權衡操縱含英茹實四明張司馬謂其片詞
纖指根治古初太倉王廷尉謂其才情蓋代使
事最工即諸家品而用脩可知也 黃清甫云
揚詩喜用僻事多著浮彩搜羅刻削無出其右
而駢繪既繁性情多盡傳謂美能沒禮詩亦有
之至誦其可憐風雨夜長在客塗中又江花與
江草異國看春生情境俱窮真堪隕淚 李時
達云用脩評他人詩精當不可假借其所作未
必如所評亦人才之通弊也 胡元瑞云用脩
才情問學在弘正後嘉隆前挺出倨起無復依
傍自是一時之傑格不甚高而清新綺縟獨擬
六朝之秀合作者殊自斐然又云皇甫子循以
六朝語入中唐調而清空無迹揚用脩以六朝

語作初唐調而雕繪滿前故知詩有別才學貴
善用陳卧子云用脩蘇蔚之中時見新警
宋轅文云用脩病在貪博故使事處往往求
巧得拙要其天才本是奇麗真如七寶流蘇
靜志居詩話虞伯生告袁伯長云文章之妙惟
浙中庖者知之若川人之為庖也麤塊而大醬
濃醢而厚醬非不果然饜也而飲食之味微矣
浙中之庖則不然凡水陸之產皆擇取柔甘調
其清齊澄之有方而潔之不已視之冷然水也
而五味之和各得所求羽毛鱗甲之珍不易故
性為文之妙亦猶是耳讀用脩詩無異川人之
庖矣子為之調擇澄潔去其濃醢厚醬蓋竊比
於浙中之

庖之義云

行旅

行旅苦日短勞人知路遙忽忽歲云暮客心中搖搖曠
野積寒氣四望但寂寥嚴霜下豐草朔風鳴枯條浮雲
起為蓋堅冰結為橋白日隱餘照玄雲掩層霄鳴轂無
停輪嘶馬不解鑣飛鳥夕知還征塗何迢迢無以慰苦
辛興言自成謠

三岔驛

三岔驛十字路北去南來幾朝暮朝見揚揚擁蓋來暮
看寂寂回車去今古銷沉名利中短亭流水長亭樹

賦得千山紅樹圖送楊茂之

蕭郎雅工金碧畫
愛畫碧鷄與金馬
畫作千山紅樹圖
行色秋光兩滿灑
搖落深知宋玉悲
登山臨水送將歸
丹林初曉清霜重
紫谷斜陽赤燒微
故人辭我故鄉去
滇樹遙遙接巴樹
桑落他山共醉時
楓香客路銷魂處
白首遐荒老未還
流波落木慘離顏
錦城紅樹那能見
千里隨君夢裏攀

錦津舟中對酒別劉善充

錦江煙水星橋渡惜別愁攀江上樹青青楊柳故鄉遥
渺渺征人大荒去蘇武流離十九年誰傳書札上林邊
北風代馬南枝鳥腸斷當年蜀國絃

送余學官歸羅江

豆子山打瓦鼓陽坪關撒白雨白雨下娶龍女織得絹
三丈五一半屬羅江一半屬玄武我誦棉州歌思鄉心
獨苦送君歸羅江浦

宿金沙江

往年曾向嘉陵宿驛樓東畔闌干曲江聲徹夜動離愁
月色中天照幽獨豈意飄零瘴海頭嘉陵回首轉悠悠
江聲月色何堪說腸斷金沙萬里樓

山行即事

桐子花開映村塢單衣初試貧兒舞春寒已過四十五
十二月朔旦南郊扈從省牲

天仗雲門外宵衣曉漏前蒼龍旂影動朱鷺鼓聲傳星
爛甘泉燭霜清泰時煙南郊新警畢重覩孝皇年

方思道云

得初
唐體

咸陽

帝里繁華歇神皋歲月多秦城依北斗渭水象天河頽
堞無遺土驚川有逝波丘陵沉霸氣松柏起悲歌

青橋

聞道盤雲棧郵亭枕水涯猿猱臨客路鷄犬隔仙家風
起青丘樹春迷玉洞花旅懷今日豁停幘問寢斜

送高公次長洲尹

祖帳燕臺下官曹震澤東
星躔牛斗近地脈海潮通
新水催飛鷁微霜度早鴻
循良多暇日題詠繼文雄

寄石季瞻赴臨安謫

聞道炎方謫遙從瘴海過
後期淹歲月前路任風波
霄漢蜚鴻遠關門虎豹多
卜居何處問薜荔在山阿

送周子庚都憲撫邊

肅肅戒嚴程蕭蕭邊

一作班

馬鳴龍庭新節制騎省舊才

名玉律調秋氣金鏡寢夜聲
隴雲笳外結關月笛中明

鸞朔臨秦障，鶉瓢繞漢城。
沙汀行見鴈，海樹坐聞鶯。
游霧懷前賞，歸風遡別情。
佇聽歌凱入，一舉塞垣清。

送客

合尊且醉花，間分襟易慘。
愁顏朝下春，風紫陌天涯落。
日青山美人，明月相望游。
子浮雲獨還，愁見河橋柳色。
勞歌一曲陽關。

春興

最高樓上俯晴川，萬里登臨絕塞邊。
碣石東浮三絳色。

秀峰西合點蒼煙天涯游子懸雙淚海畔孤臣謫九年
虛擬短衣隨李廣漢家無事勒燕然

中秋禁中對月

漢家臺殿號明光月滿秋高夜未央銀箭金壺催漏水
仙音法曲獻霓裳路車天遠鸞聲靜宮扇風多雉影涼
千里可憐同此夕美人迢遞隔西方

懷歸

星橋南望沉犀渚雪嶺西連抱珥河關塞渺茫魂夢隔

山川迢遞別離多汀洲春雨寒芳杜茅屋秋風帶女蘿
心事未從詹尹卜生涯聊聽僊童歌

李君偕過皋橋新居言別

沙門草閣對漁舟坐俯昆池萬里流蕭索暮塗猶浪迹
登臨暇日豈銷憂阮公失路誰青眼江令還家尚黑頭
行見羣英滿青瑣寧忘一老在滄洲

竹枝詞

夔州府城白帝西家家樓閣層層梯冬雪下來不到地

春水生時與樹齊

滇海竹枝詞

東浦彩虹懸水榭
西山白雨點寒江
煙中艇子搖兩槳

空裏鷺鷥飛一雙

自注滇人喚
虹霓為水榭

寄遠曲

濯錦江頭煙水綠
相思萬里人如玉
瑤琴別後不曾彈
今朝才理將歸曲

江陵舟中贈田李二子

落月寒沙夜未分
玉簫金管醉中聞
明朝回首沅江路
愁聽清猿和白雲

望中條山

征馬長鳴向北風
峭關回首暮雲東
太行過盡中條出
一路青山白雪中

于役江鄉歸經板橋

千里長征不憚遙
解鞍明日問歸橈
真如謝朓宣城路
南浦新林過板橋

贈箏人

綺筵雕俎喚新聲博取瓊花出玉英肯信博陵崔十四
平生願作樂中箏

張璧 一首

璧字崇象石首人正德辛未進士改庶吉士累
官太子太保禮部尚書東閣大學士贈少保謚
文簡有陽峰家藏集

尹巽峰遣祀衡山得配字

天王御宸位相國熙帝載維時肇初元秩禮肆禋類皇
皇遣近臣肅肅將遠賚顧茲南嶽鎮而與朱鳥配星分
當翼軫地望等恒岱坤維得艮止后土資負載祝融正
盤紆靈爽豈茫茫昧巽峰天下士祇命壘壤內晨裝發潞
河夕舸達江匯犧宰設衡幅虞人剪荒穢再宿整襟冠
三薰潔醇醑樂張洞庭野紉憶蘭芷佩探歷道彌廣登
覽神愈倍禮成眷桑梓敬止重風槩秋徂命倅人星言
理征駮於皇念啓沃遲子日展對悽惻懷脩塗音塵慰

寮案

王以旂 一首

以旂字士招江寧人正德辛未進士累官太子
太保兵部尚書兼右都御史贈少保謚襄敏有
石岡集

九日登長城關樓

邊塞高登百尺樓遙天極目迴消愁
宮廬遠向西番徙烽火無勞內地憂
四野牛羊隨處牧千家禾黍滿場收

喜看安阜叨清宴醉倚黃花插白頭

孫承恩 一首

承恩字貞父松江華亭人正德辛未進士歷官
太子少保禮部尚書兼翰林學士掌詹事府贈
太子太保謚文簡有使郢橐

經孟浩然故里

孟六亦高人神思乃清朗讀書陋拘牽制行喜踈曠賦
詩妙天趣力索不可仿沖融大雅音金石振遺響禁中

遇天子名對心所向終焉意不合歸哉南山放唐詩盛
千古公也李杜行布衣一時窮高譽後人仰我來經故
里慨矣勞緬想鹿門當時月依依漢江上

王道一首

道字純甫武城人正德辛未進士改庶吉士歷
官吏部右侍郎贈禮部尚書謚文定有順渠文
錄

詩話順渠說經不墮宋人理
窟詩雖無意求工亦少習氣

過舊居有感

破屋頽垣是幾年
重來下馬一悽然
丁寧好護門前柳
曾繫詩人萬里船

汪玄錫 一首

玄錫字天啓婺源人
正德辛未進士
選給事中
陞太僕卿擢都御史
巡撫江西入為戶部侍郎
卒贈尚書有東峰集

朝鴉

景陽鐘動曉鴉飛漢殿千官拜玉墀仙仗纔移東殿去

翩翩棲滿萬年枝

陳達甫云此司徒初入掖垣時作也託喻可想

許成名 一首

成名字思仁聊城人正德辛未進士改庶吉士

授編修歷諭德進侍讀學士遷太常寺卿掌國

子祭酒陞禮部右侍郎有龍石橐

蘇穀原云龍石詩清新俊

逸健拔謹嚴 朱中立云龍石

詩氣平音和蓋晚唐之佳者

西師

上谷烽煙猶未定西戎消息近如何
莎車空憶班都護
銅柱曾聞馬伏波
鐵騎休論榆塞險
羽書今報劔門多
何時籌策銷金甲
會見旋師振玉珂

陳用亶云詩亦具體特銅柱鐵騎金

甲未免
近複瀾

屠 徑 一首

徑字直卿鄞縣人太保瀟子正德辛未進士官
吏部郎中

夜聞笛

夢破寒猶重更長客更愁何人吹短笛今夜在南樓

屠僑 二首

僑字安卿鄞縣人正德辛未進士累官太子太保左都御史贈少保謚簡肅有東洲雜藁

江頭晚步

薄晚江行意若何夕陽微影漏林柯綠厓白鳥沙痕淺
隔岸青山塔影多下網人聽潮外語入村船載渡頭歌
觀瀾不用登遐絕百里蛟門送海波

雨夜泊塘棲

出關彌望凍雲低
画鷁迎春未試題
四十五程燈火夜
一川風雨泊塘棲

柴奇一首

奇字德美崑山人正德辛未進士歷官應天府

尹有黼菴遺橐

鄒謙之云黼菴胸無城府言無粉繪行無機穽詩文皆典雅雄

健不落翫翫不矜刻峭周子
顧云京兆詩文雄麗峴鬱有氣

勉聞姪

汝父三十三一疾棄諸孤汝母二十九赤手抱二雛辛
勤二十年完此身後圖汝兄亦已矣所望在汝軀汝今
逾三十尚爾在泥塗年齒日已長歲月易以徂父書能
讀否狂藥曾戒無汝若不努力何以慰老夫

繆天自云
語雖淺而

不
膚

汪文盛 一首

文盛字希周崇陽人正德辛未進士除饒州府
推官入為武選主事諫南巡廷杖嘉靖初出知

福州府歷官按察使以僉都御史巡撫雲南進
大理卿有白泉集

西苑

萬年枝上露華清
百子池邊月色明
宮草經秋猶自碧
君王御輦不曾行

郭維藩 一首

維藩字介夫儀封人正德辛未進士歷官太常
寺少卿兼翰林院侍讀學士掌院事

送高穎之少卿赴南都

廣陵別後金陵別
舊歲君來今歲歸
回首十年猶反掌
含情千里各沾衣
江萍逐擢隨流水
雲樹連天入翠微
卿佐官閒南國勝
湖山清賞莫相違

郝鳳升 二首

鳳升字瑞卿汀州衛人
正德辛未進士大理寺
副有九龍山房集

聖駕入城

警蹕都門裏傳呼天子歸有生皆帝德不怒自民威衣
帶千金誓湯城萬里圍自今歸馬後紫極但垂衣

無題

來去渾疑雲雨蹤楚王宮北數聲鐘情當厚處翻成怨
淚到乾時不覺濃煙縷湘裙飛蛺蝶玉屏羅幕墮芙蓉
月中剩有森森桂遮却清光第幾重

游璉

一首

璉字世重連江人正德辛未進士歷官廣東按

察副使有少石橐

興田道中

興田驛路人家遠
煙火依稀出遠山
簾圃秧分疎雨外
茶煙人語亂雲間
半生戀闕心空赤
五馬之官鬢欲斑
獨坐肩輿懷正惡
武夷遙望一開顏

汪必東 一首

必東字希會崇陽人正德辛未進士歷官河南
參政有南雋集

過劉家隔

崛起劉家隔周流漢水川
白連雲夢澤青帶郢門煙
蜂蟻偏屯聚魚鹽競貿遷
最憐貧土著蒿裏剪桑田

齊之鸞

十五首

之鸞字瑞卿桐城人正德辛未進士改庶吉士
授刑科給事中歷吏兵二科左右給事世宗即
位考察謫崇德縣丞移知長興縣稍遷南京刑
部郎中以陝西按察僉事巡寧夏升副使改河

南再改山東終河南按察使有蓉川集

汪可亭云公屬

文藻麗不尚奇澀而語意新妙詩有一韻疊至數十首者搜探奇崛毫末不遺他人多即難工公有餘力矣錢飲光云公詩文妙當世開吾鄉風氣之始文絕去枝蔓直摠所欲言詩有氣力精采往往造出人意表大抵一意孤行無所依附潘蜀藻云讀齊公南征紀行入夏錄未

嘗不嗟咨歎詠以為沉鬱渾脫大

得讓西之傳北地猶去而千里

詩話蓉川在給舍最為敢言侃侃不阿止康陵罷設花酒店不當論威武大將軍功寧庶人造龍艘戲劇潛結近侍邀帝南幸圖謀不軌行有日矣偕邢給事案許給事復禮留駕及康陵覲征又作回鑿賦以諷且力白王新建之誣洵骨鯁之臣也顧見容於康陵而不容於永陵何哉

及入西夏值旱澇之餘見居人刈蓬科其類有
棉蓬刺蓬二種子皆可以為麪饑民藉以充腹
取而啖之苦惡辛澀乃封題以進且言國家有
大可憂之事三廟謨有深可惜者四片及議禮
大臣并責永陵不能虛已可謂言人所不敢言
矣入夏諸詩山川險隘誦之有如聚米與尹僉
事耕並工惜乎志邊
闡者均未之采錄也

晚宿良鄉

我行至良鄉車駕已臨涿官藏供億煩吏走威勢捉人
馬正饑疲晚得粟一握華館據高軒敞廬聊破幄階前
樹却佳綠葉未全剥獨坐新霽清悠然念盤錯自顧章

句生胡此擁矛稍感時不成寐起視明河數月色忽半
窗枕上聞吹角

龍門龕

伊水出龍門疏鑿惟禹績溪縈匯澄潭雲斷劃絕壁泛
舟巡南厓諸龕空翠滴遠疑穴陶復近聽境寥闕黃冠
一人來導我縱幽覲何年驅鬼工深窟隱金秋頽然丈
六身大小隨剏剔旁有鉦鼓鳴愚氓伺考擊自從拓跋
來事佛轉成癖荒哉魏王泰孝誠空爾激不知文德賢

坤美符帝錫天堂無則已有則必登歷何事石上災千古不可滌無乃託親名志祈潛奪嫡欲為生民主先被河神溺向使正儲位亦終貽唐感經行謾誅心期使來者惕

稠桑道中望黃河

桃林蟠土山谷入昧所出地底無傍風天際有中日仰視耕穫人轉折忽相失仄登蟻緣枝幽盤壺閉帙僕夫虞殞傷反汗更股粟伊子慕昔賢馭吏屢遭叱徑盡躡

河壩黃流過箭疾踰關勢彌雄四齧奔馬逸不知真宰
意何貴砥柱室汜濫民其魚豈止桑田溢三門中古開
神禹功誰匹至今沮洳場盡作秔稻窟吾生髮半蒼世
路十不一及茲瞻華嵩眼豁心神秩向來險遠虞茲晨
憂已釋

寧州曉發

燈火啓巖城戴星行未已夜來下絕坂左右崇墉倚昏
黑迷前旌時顧斗杓指晨鷄登頓初險澀曙光紫林原

衍山巔溪壑行地裏坡陀首乾龍浮立土不滓所以穴
居民患燥不患水改邑視井泉卑棲固其理耕者百仞
上汲者千尋底下山阻深溝上山據高壘四鄰守無虞
塞馬徒為駛民貧獨可憂咸秦此脣齒

書郾城縣臺壁

長路淹炎日驅馳損壯心倦便雙柏坐幽伴一蛩吟嘉
穀連河內飛蝗度汝陰經過見人樂亦足豁煩襟

邠州曉發 二首

殘月征人早州城與空聞呼船渡涇水立馬望幽山禾
黍高低壟煙雲遠近關誰能渠白石種稻濁泥灣

涇北山橫絕穿厓細路高偏懸疑有麓峻極乃平皋嶺
露催禾黍秋風颯苧袍憂勤見遺俗無地立蓬蒿

靈祐驛次毛東塘韻

江路盤山轉頽垣此驛亭塞雲風外白畦菽露中青鳥
雀無歸樹驂駟不在垌誰教心匪石自信跡如萍

元旦次潘大行宗魯韻

三朝待漏趨金闕五拜瞻天散紫宸
宦跡只尋常裏過
皇圖又十四回新花邊劍佩明
初景塞外旌旗駐早春
安得封疆倚頗牧坐紆北顧埽蜂屯

將至荏平

長塗秋暮馬駢駢風起塵高雉堞微
蟬到夕陽聲更急
樹經寒露葉初飛正聞老母平安信
兼喜中丞克捷威
揚策不知行色倦欲沽村釀解朝衣

謁范韓祠

拓跋餘兇勢更張二公相望屹金湯一堂俎豆瞻遺像
萬古河山識巨防賈策清時薪抱火虞淵昏夜日重光
秋陰晝轉空階樹恨入邊烽照朔方

赤木裏口墩下坐憩

赤木空濛翠接天懸車路杪下烽煙須驅虎北馮金塔
更走龍南跨玉泉青草谷中兼得水白雲巖下盡堪田
奔馳庶竭涓埃報心苦三陟版幹前

過田州故城

河外軍藩麥秀中唐兵昔數朔方雄韓公北築三城路
至德中興一旅功番刻勁銷春蘚碧漢花穠映寺門紅
高雲不罩田州塏水鶴歸巢暮空

九日塗次登清水關城

朔方三度重陽節河曲千旌歲歲忙鬢髮已甘塵路白
菊花猶見塞垣黃中丞疏有回天力太宰功無縮地方
雲外好呼南去鴈繫書先為報江鄉

渡河六言

有意唱籌共粟無神驅石修邊四月黃沙八渡雙旌紫
塞三年

毛憲 一首

憲字式之武進人正德辛未進士官禮科右給
事中有古菴集

詩話古菴講學主道南書
院詩非所長具體而已

題扇

雲山擁前溪竹樹傍厓石晴風駕扁舟興到任所適水

色與天光上下涵一碧習靜久忘機魚鳥亦馴格誰知
至樂心物類固無隔

周廷用

四首

廷用字子賢華容人正德辛未進士授宜黃知
縣入為御史外補僉事參議福建備兵四川進

江西按察使有八厓集

顧華玉云子賢才稟超
融文鋒迅湧援筆長賦

爛然

成章

詩話八厓放言忤俗東橋深惜之國寶新編以
之為殿贊云按察人豪闊視放言文藻性成早

垂鉅篇然製作庸

庸求其鉅篇頗罕

卷三十一

池上晚坐

皎鏡淨方塘月波涵一碧
激濫照脩篁風聲鳴瑟瑟
愛此澹忘歸呼童卷湘帙
清籟動我衣微露潤我幘
繁星燦以羅羣躑久復寂
沖曠得所怡稅駕將何適

攢宮

宋家陵墓滿空山北望嵩丘路險艱
一代龍蛇逢末運百年鳧鴈出塵寰
空聞玉榭金城返不見旌旗瀚海還

無限鼎湖湘水怨白雲斑竹淚潛潛

經廣武城

廣武城邊草樹青濁河波浪晝冥冥天呼垓下真龍起
事異鴻溝白馬刑日晚沙場留返照秋風燐火亂殘星
英雄自古功無敵阮籍狂言未可聽

過灤東

灤東灤西雲日晴官船撾鼓上灘行不憎檣燕風前語
最愛山花雨後明杜甫草堂元地勝孔明圖陳自天成

明朝濫瀕瞿塘上却望連雲棧閣橫

孫繼芳 二首

繼芳字世其華容人正德辛未進士除刑部主
事改兵部歷員外諫南巡迂杖尋遷郎中出為
雲南提學副使有石磯集

送徐太史使遼府

節重天王使情親帝子家雲霄三殿詔波浪九江槎庾
亮樓前月湘娥廟裏花金樽高宴罷須擬弔長沙

北征還朝凱歌

牙旗寶蓋耀星文
倚鹿牽羊總百羣
二十四通催羯鼓
帳前齊賀大將軍

李際元

一首

際元陽穀人正德辛未進士歷官按察僉事

雙流次韻

鼓角催晨發川原藹暮陰
小溪清見石新柳細垂金
洞迴雲依樹山深鳥隔林
天涯看落月盈縮飽經心

盧雍 一首

雍字師邵吳縣人正德辛未進士官監察御史
有古園集

泊頭晚泊欲訪子濟侍御不果

河流寒未凍市集晚猶喧日落新橋驛煙生獨樹村沙
船露燈影灘石帶冰痕不見西臺客幽懷誰與論

王璜 二首

璜字廷實濬縣人正德辛未進士除陝西道御

史巡按浙江

雲中歌

二首

潮湧雲屯外四家操回馬首帶金花行人莫笑應州小
武廟當年駐翠華

雲州城外日風沙雲州城裏日繁華金釵行酒將軍喜
醉倒銀壺小校家

徐咸

五首

咸字子正海鹽人正德辛未進士除知沔陽州

入為兵部主事歷官襄陽知府有東濱臺

詩話東濱為豐厓同母弟昆友皆嫺風雅歸田後築園城闈名曰餘春中疊石為小東山與錢東畬太守朱西村山人輩結小瀛洲十老社其後倭人入寇所在焚儲積遂舍園基以為倉馬句如路自窮厓入人如倦鳥還千年牛首寺一勾虎跑泉客醉黃花酒僧供白雪饊棘林花落子茆屋燕將兒山遠不聞漏夜寒疑有霜頗類賈島佛

井南社飲得影字

層樓俯青林芳筵接高迴衆賓來逶迤被服野而整時維沍寒候風日不作冷江梅泄春香鳴禽戀餘景時物

適我懷忘却酒力猛飄風吹人衣素髮颯垂領浩歌入
城闈海鶴振孤影

石首蓬萊閣

蓬萊高閣臨清漢閣下風濤日夕撞花日映紅明霽野
草煙浮綠翳晴窗雕闌遠挹荆南勝玉笛新開洞府腔
悵望謫仙何處去娟娟秋月照澄江

夜坐

涼颺落長松明月出東嶺空山夜無人元鶴不聞警

西園雜詠

南園老梅苦寂寞移種北園臨小池却憐池水淨如鏡
照見橫斜三兩枝

湖上

涌金門外水青青倒浸西山似畫屏十里煖風魚浪細
扁舟忽過望湖亭

趙漢 二首

漢字鴻逵平湖人正德辛未進士除建昌推官

入為給事中轉山西參政有漸齋集

泊瓜州

山寺清鐘曉江帆細雨秋瓜洲三日泊不為阻風留

湖上

鳥入山光去舟分樹影過秋江平似掌何處起風波

南大吉 二首

大吉字元善渭南人正德辛未進士授戶部主

事歷郎中出知紹興府有瑞泉集

詩話元善好青紫囊書妙善占墓其守紹興謂
窆石非禹葬處別於廟東南建豐碑題曰大禹
陵其後望秩於是處焉五言
詩頗穩帖無秦人抗厲之氣

聞駕幸朔方

鐵騎綠沉槍傳聞下朔方
紫臺邊月白青海陳雲黃
寢閣鷄聲早行營虎步長
巡游稱聖世車跡到幽荒

和馬仲房雨

涼風吹晝雨蕭颯自西岑
細細緣郊迴霏霏度關深
雙虹明夕照萬戶動秋砧
為想西征輦應停北塞陰

常倫 五首

倫字明卿沁水人正德辛未進士除大理評事

謫壽州判官遷知寧羗州有評事集

王元美云常明卿如

沙苑兒駒驕嘶自賞未諧步驟
卧子云明卿氣骨高朗頗能自運

陳

望山有懷故居

羈步局重城流觀狹西野高高見西山鄉愁冀傾寫天際望不極延佇一瀟灑落葉歸故根山雲滿秋櫛無情尚有適何以慰離者

客行篇寄山中所知

客行千里道塵土緇裳衣鬱鬱鬱胡不樂思欲復西歸逝
者如斯夫朝露待日晞人生一世間乃與願相違黃鵠
舉何迴鷓鴣棲何卑撫劍獨嗟吒臨歧浩徘徊因風寄
黃綺管晏非所希

和王玉溪過韓信嶺

漢代推英武將軍第一人禍奇因躡足功大不謀身帶
礪山河舊丹青祠廟新長陵一坏土寂寞亦三秦

竹

庭竹娟娟色虛堂肅晚陰翠交紅果潤清蔭碧苔深涼
月侵冰簟流風送玉琴歲寒終不改長此護雙林

采蓮曲

素月開歌扇紅蕖豔舞衣隔江聞笑語隱隱櫂歌歸

俞璋

一首

璋字朝相崑山人正德辛未進士官大理評事

上方

山寺晝陰寂綠蘿覆繩牀乍愛石苔古忽聞蘭草香
遠樹多暮色幽泉有深光持此積喧意來訪道遙場

頓銳九首

銳涿州人正德辛未進士官戶部主事

一云長史

有

鷗汀漁嘯集

詩話長史時名籍甚北人語云涿郡有才才一石銳得其八詩頗警拔微嫌冗長耳

樓桑廟迎送神曲

二首

帝子降兮范之陽恍臨睨兮舊鄉山蒼蒼兮水泱泱神

之來子驂駟蚪玉鸞鳴兮啾啾雲車子羽蓋樓桑陰子
蔽芾牲既肥子酒香總帷施兮雕玉牀荃高坐兮樂未
央

帝子去子安之違桑梓子心孔悲白帝城兮永安宮魚
之腹子蠶叢巫陽雲雨兮洞庭波雖信美而非吾土子
矧蛟鱓與黿鼉歸來子歸來其樂子如何

銅雀妓

西陵芳草合松柏半為新宮殿飛銅雀下飲漳河濱檀

烟冷餘燼總帳網流塵白頭歌舞妓來教晉宮人

出聖水關往鳳皇山寺

鐵峻攢次寥寥差入烟霧塗疑鬼工鑿石截亂流渡詰
曲駭千轉坦蕩不數步陰厓匪靈淵未冬已寒沍欲上
仍趨趨先登必奮怒谷響雜駸澗蹤過狐兔斷徑屢
猱接傾巖數狼顧肆貪興會奇強制心膽怖睨憎仄磴
危足試欹岑固漸與人世隔遂愜平生慕絕塵乃無地
升天疑有路得意真忘言無心忽成句象設教莫祛烟

霞疾已痼空寂排冥詮清虛獲玄悟塵網奄頽齡恨為
造化誤

臯湖秋晚

木落天宇清草枯風力勁平湖著微霜推此萬荷柄蓐
收浸無權玄冥欲司政遠山寒更翠積水曠而瀨湘娥
理晨妝髻鬟墮明鏡輕飈漾淪漣碧綠交掩映水鳥各
沉浮游泳自其性安得金石膏瘥我山水病

湖莊秋事

郊墟絕喧阓村落斷輪鞅況茲千頃湖初秋減新漲無
日不沉山有風即生浪微波淨漣漪晴宇墮空曠野服
時登臨箕踞衡阜上興闌聊詠歸扶將獨藜杖鹿門龐
德公粟里陶元亮如此足百年外無分寸望

觀鬪蟋蟀

蟋蟀著幽風泉壤恒食息迎陰已振羽欲鳴先鼓翼候
氣感化機吟秋率其職於世無所爭豈有剛膂力都緣
助人意自負萬夫特見敵豎兩股怒鬚如卓棘昂藏忿

塞曾彭亨氣填臆將搏必踞蹲思奮肆陵逼既却還直
前已困未甘踣雄心期決勝壯志冀必克依稀觸與蠻
蝸角並開國人生亦類斯駒隙競失得知雄守其雌老
氏有淵識

房山孔水洞

石竇水拖練靈源地絕塵浪傳飛白鼠無處隱蘋鱗入
夏桃花盡經春荇葉新輕舸不可入豈有避秦人

西巡曲

飛輪擊水日三千咫尺長安在日邊試向茂陵高處望
未央前殿立銅仙

王 溱 一首

溱字公濟開州人正德辛未進士除沁水知縣
擢廣西道御史出知平陽府遷鹽運使致仕

落星寺別蔣南冷

別意隨流水迴船過落星湖光侵寺碧山色入簾青鷗
鷺馴沙岸魚龍駭石汀虛堂歸興渺烟浪晚冥冥

陸倕一首

倕字天爵號桃谷吳縣人正德辛未進士歷官

寶慶知府

岳東伯云桃谷早登仕籍無暇篇章
晚就操觚遂起多士靈心夙構穎悟

居多朝夕苦吟已收時論蓋能守
約少陵之方博施唐人之作者也

酬劉子古鏡

古鏡不自惜遙緘千里音懸懸照肝膽奚啻雙南金
質凝精光螭盤古銘深明月入我懷聊復理吾簪與君
別幾時鬢髮雪已侵冉冉悲年暮悠悠空陸沉願言保

不
缺
報
君
久
要
心

明
詩
綜
卷
三
十
九

欽定四庫全書薈要卷二萬五百十三

集部

明詩綜卷四十

翰林院檢討朱彝尊編

唐 臯 一首

臯字守之歙縣人正德甲戌賜進士第一授修
撰進侍講學士

明妃曲

黃金不買画图 中從此春花閉漢宮
到得君王識傾國

無人主議罷和戎

蔡昂 一首

昂字衡仲山陽人正德甲戌賜進士第三除翰林編修累官禮部左侍郎贈尚書有頤貞堂橐
送朱伯仁任四川行都司斷事

白帝秋風動烏蠻夕照含憐君游宦處地勢極西南殊
俗聊相問軍謀亦共參雄飛方自此休說鬢鬢髮

霍韜 一首

韜字渭先南海人正德甲戌進士累官太子少保禮部尚書兼翰林院學士贈太子太保謚文敏有渭厓文集

贈方棠陵用陶飲酒韻

張弓射飛鳥巧者猶能得君子履周道豈為多岐惑義命良獨安行止順通塞遠之垂萬世近之範一國珍重君此行時哉惟語默

劉儲秀 一首

儲秀字士奇咸寧人正德甲戌進士繇刑部主
事累遷湖廣按察使歷戶部侍郎仕至兵部尚
書

送龍長史之武昌

荆衡山漠漠江漢水湯湯送汝從茲去何時到武昌楚
筵堪設醴漢署憶含香北上多鴻鴈音書好寄將

簡

霄

二首

霄字騰芳新喻人正德甲戌進士累官南京兵

部右侍郎有蓉溪集

過雪垠番寨

雪垠傍流沙風烟幾十家蓬頭男趕菁編髮婦耕畬皮
甲張藤盾毛衣綴線麻也知天子使羅拜接江涯

潞河舟中作

潞水經年別風塵又覺非岸蘆迎櫂舞檣燕掠人飛澤
國魚梁竭江城候吏稀人烟沙草外一縷起斜暉

陸杰 一首

杰字元望平湖人正德甲戌進士授兵部主事
諫南巡廷杖後遷陝西按察副使終工部侍郎
有集

客舍

行役殊無已其如歲晏何宦情因拙澹鄉夢入秋多月
卷千砧發霜天一鴈過吾廬今夜好可惜掩松蘿

吳鎧
二首

鎧字文濟陽穀人正德甲戌進士授行人擢監

察御史升福建按察副使歷陝西參政雲南按
察使終僉都御史

書營平侯祠壁

白草連天遠黃雲出塞平
霜笳吹漢月寒笛弄秦聲
北海猶傳箭西戎未息兵
屯田當寧意寧惜度金城

涼州

聞道涼州戍連年去未回
健兒多戰死疆騎至今來
白骨紛無數黃雲慘不開
龍城秋夜月羌笛不勝哀

林大輅 二首

大輅字以乘莆田人正德甲戌進士以工部員外郎諫南巡予杖繫獄謫判夷陵州嘉靖初起江西按察僉事歷副都御史巡撫湖南自劾歸

有愧瘖集

林茂貞云二山詩在仕途者忠憤激烈無依阿取容之態在林居者沖適

雅淡無憤時嫉世之心要皆出於性靈非騷人墨客風雲月露之作也 王應時云二山詩典

麗雋遠采入堂與謝山子云林詩樸厚可比蔡忠惠 林雨可云二山詩鍛鍊而不傷自然

靜志居詩話二山與南冷最相契詩亦近之第稍遜耳品當在李川父孟望之之間

弔馬伏波祠

野渡維江舸荒祠薦澗芹魚龍喧永晝日月照迷津阻
絕征蠻路艱危報主身只今嗟薏苡臨弔幾傷神

蔣子雲都水定居西長安門外

南冷三載賦閒居春日長安近卜廬苑樹飛烟分客榻
禁鐘浮月散朝車揚雄天祿多奇字方朔金門有諫書
相望西橋應不遠莫教風雨往來疎

林炫

四首

炫字貞孚閩縣人尚書庭梈子正德甲戌進士
歷官通政司參議有榕江集

傷歌行

楚人不識鳳謂是五色鷄魯人不識麟謂是麇而蹄天
時苟不值賢聖終見嗤爰居避海風享祀將奚為寄言
明哲士樂命安蓬閨

有感用杜韻

將帥承新渥軍儲惜去年似聞千里霧猶蔽九重天貴

戚爭開府烽烟近到邊
玉關何日閉遺恨自張騫

十四夜月

今夜揚州月清光已勝前
遙升滄海外先到客亭邊
雲度同飄忽風來一灑然
細瞻金粟影猶少半分圓

次韻贈朱青岡太守郊行

聞得農人語鶯花未足憐
夕陽牛背笛春雨郭東田
政簡官如水時豐俗自便
村村鳴社鼓歡喜說今年

孫存一首

存字性甫滁州人正德甲戌進士歷官河南左
布政使有豐山集

劉都幕泉亭

濫泉沸山巔洑泉迸山足一鷺飲東泉飛向西泉浴

周
在 四首

在字善卿太倉州人正德甲戌進士除知寶坻
縣擢陝西道御史歷官浙江右參政有燕京逮
事錄行臺紀興

詩話善卿獨掩胸臆不事規撫正如繁音
迭奏忽聆于爲于曲縱無妙理具足清機

悼陳司李

保定推官被姦
民誣奏死于獄

灼灼木槿花楚楚蜉蝣羽朝陽耀容華日夕不知處人
生非金石誰能不銷腐昨日同舍人今朝成糞土死者
已無知生者徒自苦獨坐掩園扉哀哀淚如雨

秋夕感懷

月轉虛簷向夜闌孤臣不寐望回鑾重門擊柝聲何急
半壁殘燈影亦寒梁獄久淹書未上齊廷難遇瑟休彈

凌風欲借仙槎去天上銀河水定乾

初下詔獄作

薄宦叨民牧窮囚與寇鄰

撫監有官民之分官監稍潔子獨下民監與強盜重囚雜

處

不辭羅法網直恐玷儒紳縲紲嗟何罪遭逢慨不辰

鄒陽書未上賈傳策誰陳日有泥塗辱旁無骨肉親吟

鬢經鎖斷鞭血污衣新野蕪晨充饌乾蘆夜作茵亂蠅

沾食穢毒蝮螫膚辛厄似樊籠鳥危如涸轍鱗經旬忘

盟櫛長日足悲呻竊共人愁語徒勞吏怒嗔獨行良蹠

踴羣吠尚狺狺薄力誅求困虛情鍛鍊真株連殊未已
文致竟無因理直終何補錢多信有神虎翻令傳翼象
莫顧焚身禍已延吾黨冤猶念此民病亡俱老弱瘦死
半饑貧地下多新鬼天涯少故人禁嚴消息絕家遠夢
魂頻自笑心如鐵相看淚滿巾尚祈欽恤詔指日下楓
宸

閨怨

江南二月試羅衣春盡燕山雪尚飛應是子規啼不到

故鄉雖好不思歸

桑溥 一首

溥字伯雨濮州人正德甲戌進士歷官按察使

榆林道中

迢遞榆關道西風卷客旌寒沙迷古塞落日下孤城水
險遮蕃騎山高列漢營君王方偃武邊將莫言兵

顧可久 一首

可久字與新無錫人正德甲戌進士歷官廣東

按察副使有洞陽集

秋懷

異域滄溟上孤城斥鹵中經過稀漢使託處雜黎戎最

苦黃茆瘴兼愁鐵颶風

集本作日遠天何際雲荒秋不窮

誰能忍羈旅

轉泊逐飄蓬

李濂九首

濂字川父祥符人正德甲戌進士授沔陽知州

遷寧波府同知終山西按察僉事有嵩渚集

鳴

吾云川父詞藻俊拔迥出塵表 俞汝成

云川父詩率意走筆不事鍛鍊有古朴風

詩話嵩渚集凡百卷最稱繁富然不甚剪裁其
持論以明初吳中四傑為歸求其神似未免類

桓宣武之擬

劉太尉也

游呂公洞

窈窕呂公洞透迤玉泉側澗流緬松門石梁亘雲壁始
入日匿影徐轉天漏白靈窟度縈迴細徑緣欹仄杖邊
霏漸分衣上霰微積紫芝敷異芬瑤草弄明色窮猿倒
窺人仙鼠飛避客遙遙薜蘿陰嫋嫋蒼翠夕金膏欣可

餐石髓恨難識意愜諸妄遺神超萬緣釋伊予事沉冥
夙負山水癖曩聞呂仙名茲覽修真跡丹爐滅灰燼石
牀有苔蝕一遊洞庭波千載杳消息珪組知爾忘烟霞
恣所適私哂名利心蹶躄竟何益

雪竇寺妙高臺

吾聞妙高臺海涌金芙蓉上有萬古苔虎豹留其蹤日
月挂天柱烟霞韜石峰所嗟異僧去寂寞青山鐘

含珠林

佛有舍利珠瘞之海東石夜來九龍爭風雨拔林柏六
丁紛呵護寶物安所宅至今月黑時光騰幾千尺

石竇

石竇海眼通乳泉四時洩仰睇杳而深誰剜翠屏裂青
巖千峰雲白含萬年雪膏砂原異竅鳥鼠或同穴

桃花坑

高僧飛錫地錦石名桃花吾非勾漏令乃此逢丹砂雲
中吠仙犬洞底流胡麻定有逃秦者人烟隔暮霞

太原中秋

紫塞中秋月青天萬里情他鄉一尊酒獨對太原城水
霧戎戎合陰蟲故故鳴鴈門諸戍苦莫遣照邊營

春興

碧草城南路不分野人詩思正紛紜聊隨謝客尋幽壑
何必桓譚識古文春日苦耽新秫酒洞天思謁大茅君
東風吹起花如霰腸斷梁臺日暮雲

秋懷

瀟湘楓落鱖魚肥
楚客懷歸未得歸
頻憶鳳城詢北使
尚聞龍舸駐南畿
驚心關塞旌旗動
旅食江湖諫疏稀
本乏涓埃裨郡國
擬將生事付漁磯

良鄉道中

沙鴈衝車起洲鶯
隔岸聞暮看霞氣
近疑是漢宮雲

蔣山卿 九首

山卿字子雲儀真人
正德甲戌進士授工部主
事諫南巡廷杖謫南京
前府都事歷刑部郎中

出知河南府改潯州再改南寧升廣西參政有

南泠集

顧華玉云子雲詩天才溢發可歌可感使將來者見之則凡餽飭其字雕刻其

文報深其思拗曲其體不發于情而并氣格音節亡之者皆可怛然省矣 俞汝成云南泠達

生有容德詩似其人 王元美云蔣子雲如白

蠟糖看似甘美不堪咀嚼 顧玄言云參政才

華朗邁五言學

杜恨乏奇語

詩話子雲詩如水精淨域盡埽游塵微嫌境太淺爾子三人孝常孝若孝或皆能詩吳山遙入戶江水近通渠孝常句也鴈度三更月烏栖獨樹霜孝若句也夕陽新雨後明月落潮時孝或句也雖未出羣亦自濟濟

門有萬里客

門有萬里客，駕言發京都。問客京都來，世事比何如。公
車待詔士，北闕新上書。崢嶸片言合，恩寵一朝殊。升君
白玉堂，上君黃金塗。賜與出內藏，宅第夾皇居。華棖鏤
璧璫，文牕結綺疏。珠履竝侍從，紫衣備走趨。高門平旦
開，飛蓋已填衢。官爵入掌握，才俊待吹噓。顧盼遺光彩，
俯仰生榮枯。貴盛豈不羨，尊幸古來無。天運相代謝，日
月有盈虛。時命苟未逢，進取何所圖。執戟疲揚雄，文園

病相如今君守寂寞辛苦徒嗟吁

陳緯度云此篇蓋為蘿峰而作

雜感

吾聞青海外赤水西流沙
神人生鳥翼蓬首亂如麻
出入乘兩龍左右臂雙蛇
中有不死藥奇麗更紛葩
琅玕墜珠英玕琪散瑤華
雙雙相合并文文自交
加我願從之游萬里跡
非賒但恐非人類壽命其奈何

夏日田園即事

二首

沉沉夜來雨泱泱
川上平田家趁時作
驅牛急晨耕遙

遙阡陌間肅肅老少并札札耒與耜
咿咿桔槔聲紆迴野水入綿延禾稼盈
劬苦事一時倏忽見秋成四體雖云疲
所貴惟此生此生各有分胡乃不自營
寥寥千載下寧知沮溺情

東菑耘事畢老翁自閒閒鼓腹何所知
徘徊墟落間斜日上高原一望江南山
寨林玩柔荑涉澗弄潺湲欣然適其適
日黑始來還了無一可說呼兒掩柴關

燕歌行

清霜落木寒蕭森白日既匿光景沉關山迢迢絕信音
目極千里傷人心念君他鄉久滯淫長夜展轉憂難任
空閨寂寞愁錦衾涕零如雨不可禁泠泠纖指彈鳴琴
張絃促柱發哀吟月明洞戶流清陰涼風飄飄吹我衿
起看樹上雙栖禽雄鳴雌飛守故林我何筑筑獨至今

灤縣晚行

漠漠平沙闊荒荒白日低朔雲孤鴈度昏樹亂鴉棲
戍鼓聽猶隔村烟望欲迷關山有戎馬憐爾尚征西

八月十五夜懷京中舊遊

今夕那無月他鄉獨上樓
兵戈添白髮幕府滯清秋
對酒傷前事尋詩數舊遊
呼童把官燭漏盡不能休

送林以乘赴任江西僉憲

并序

正德己卯上將南巡子與以乘孟循同上疏忤
旨下獄且被責貶而孟循死矣今上即位召還
京方忻會晤而以乘有茲擢感舊敘別愴然興
懷凡二十六韻

先帝昔巡幸小臣同上書事危攀折檻情切止乘輿未
得陳丹悃空令伏玉除天心那可問皇怒竟何如氛霧
昏靈久雷霆震擊餘傷魂逮囚圜鞭血濺衣裾半刺猶
憐爾孤遊孰起予聯翩嗟去國蕭索苦離居聖哲臨宸
極清明開太虛王綱重照洗姦孽盡誅鉏紫詔恩初降
蒼生憤始攄逐臣皆見召舊故復相於禁闥還通籍官
曹竝直廬感時唯涕淚歎逝重欵歔從宦心俱懶求名
術本疎祇應旅進退敢望獨吹噓翻怪無鳴鶴堪憐似

戲狙十年才易組六月便驅車去作長途別行將大暑
祛涼雲停碧樹綠水汎紅蕖南國秋風早西江白露初
霜威迎解鷹月冷改蟾蜍世路多敬側斯文有卷舒身
須混涇渭譽欲等璠璣霄漢看鷹隼江湖覓鯉魚與君
生死分分手一躊躇

南巡歌

萬乘回鑿出楚關遙聞鳳吹百花間聖心不為閒遊豫
千里河山一月還

薛蕙

四十四首

蕙字君采亳州人正德甲戌進士授刑部主事

改吏部歷員外郎中以議大禮下詔獄尋復職

未幾罷歸屢薦不出有西原集

徐子元云君采後麗康樂殆不

是過

王子正云西原窮探載籍采擷英華程

古摘詞超入魏晉晚乃刊落繁華潛心性命造

詣深邃自得實多今之人但知為詩人已耳

文徵仲云西原先生詩溫雅麗密有王孟之風

樂府歌詞追躡漢魏時何大復李空同文章重

天下摘詞發藻凌轢漢晉朝野翕然尚之先生

雖稍後出而聲華望實略相曹耦唐應德云

薛詩從隸老書來得虛靜語李西云西原

尚則元風聿祛末習漱羣籍之芳潤擷百氏之
英粵一時詞圃邈焉寡儔王元美云薛君采
如宋人葉玉幾奪天巧又如倩女臨池疎花獨
笑穆敬甫云薛公理學著稱詩亦有致顧
玄言云考功詩譬之馬飾金羈連翩躡蹠穩步
康莊了無跼踖之跡黃清甫云薛詩吐辭秀
潤布意密緻而調合作者名篇實多其咏懷則
取法於嗣宗雜詩則準的於景陽游仙則規摹
於景純雖不逼似庶幾太康之音蔣仲舒云
薛詩如刻錦雲霞疊石島嶼欲以人巧而擬自
然未及大觀能無激賞間作冲澹若落花游絲
情致可喜稍更骨氣便復無儔矣陳仲醇云
薛公詩一毫塵垢不入筆端由其胸中曠達無
染故也陳卧子云君采詩如貴主初降雲輶
驚輅縣珠網貝自然莊麗沈山子云君采詩
泓崢蕭瑟如鼓丘中之琴令人神往鍾廣漢

云君采五古兼大小謝之長五律綜初盛唐之
妙長句則效李頎長律則宗子美絕句小詩亦
多妙
詣

詩話薛公南巡諍吏大禮正人條達詞華淵源
理學古詩自河梁以暨六朝近體自神龍以迄
五季靡不句追字琢心慕手追歛北地之菁英
具信陽之雅藻兼迪功之精詣卓然名家又云
君采年十二能詩王子衡謫判亳州賞之曰可
繼何李故其詩云束髮從師王浚川文章衣鉢
幸相傳爾時評我李何似白首推顏只自憐其
與用修論詩云近日作者摹擬蹈襲致有拆洗
少陵生吞子美之譴求近性情無若古調直以
沿流討源自許晚年究心講學於詩不師擊壤

尤人
所難

君子行

君子思危懼不終日衆人居安沒齒自逸君子思退如
迫于淵衆人思進如逐于田損益之變何其相反苟非
明智孰能及遠人知其終莫知其始吉凶之萌鮮不由
己上天無私何怨何親福不擇家禍不索人道有險易
事有從違嗚呼小子慎爾所之

善哉行

來日大難痛心疾首今日為樂莫懲其後大難如何昊

天不嘉吉凶有時人莫之知鹿之游斯在彼中野庖人
調和將以為脯翩翩白龍好是魚服豫且射之載中其
目少康出畋不復其舍戎王朝卧迺縛尊下式戒在始
式備在終匪戒匪備害于其躬天命戾止匪夙則莫勉
爾在位無俾天怒

效阮公詠懷

七首

翔鷲赴長飈翩翩戾高冥舉翮覆白日伏頸雲間鳴顧
謝野田雀僂勉營此生與子各殊塗無用相譏評

飄風振玄幕若木零朱華六龍匿西山濛汜揚其波翩
翻市中子於心太回袞不見顛頽色但聞慷慨歌卑危
誠未遠禍亂豈在多人人恤其私安能尚顧他已矣勿
重陳嗟予可奈何

朝登古臺上遙望大河陰朱明來自南隆暑修已臨丹
霞曜陽景渥露霑玄林炎風振曾柯鳴蟬響哀音四時
代終始變化迭相尋盛長固殊昔遲暮方在今感物切
悲情愴歎傷我心

生才良不幸處世誠獨難揚蛾興妒階懷璧賈罪端靈
均既見放韓非亦自殘奉身失所從慷慨使我歎

天上何所有上有九重臺日月闢房牖河漢界兩階白
虎夾路隅青龍啾啾啼五嶽當東脯四海充一杯衣裳
被雲氣左右結雙蜺彗星垂為帶北斗東為觶舉足歷
顯蒼徃徃不復迷朝集扶桑東夕降若木西

守道遺榮利趨物喪其真詘伸難竝觀高尚良可倫不
見玄廬子精神已無存煌煌口中珠含此誰為珍富貴

焉足求甘我賤與貧

朝游東海上親見安期生袖攜麻姑書揖子上天行忽
忽從之去一舉陵太清白榆何歷歷桂樹亦青青朱爵
七十二鼓翼相和鳴玉女顧我笑執手戲紫庭萬歲同
娛樂天地長齊并

游仙

精衛填東海紮紮累形軀哲人匡宇宙天命不可須聞
有山林士棄世以自娛願言從之游齋潔練羽書丹池

可止渴晨餐咀雲珠度紀諒非難去去勿躊躇

贈孟望之

二首

昔余與君子未見心相知邂逅在今辰果若平生時願
得結歡好贈子以新詩含意未及申行行復何之念當
從此去傍徨出郊畿行人倦往塗終言與我違倉卒執
手間歎息空相持媿無晨風翼送子起翻飛

踟躕郊野外白日匿西山行人去有期安得久周旋請
為游子吟與子結纏絲憂來動人心惻愴不能言言念

平生友意氣非徒然行役不足辭貧賤非所憐君其篤
明信慰我心惓惓

田中築舍修治樹藝

莊生卧濠梁范子去海隅行止信難侔遠跡要不殊伊
子慕棲遁脫冠歸里閭卜宅近郊坵葺宇就田廬南榮
面崇岡北牖背幽墟雖非山水地取樂自有餘築牖仍
先趾穿池即故渠林木盡舊行圃畦皆曩區寡欲罕所
營衆美亦云俱爵祿無常位貧賤亦安居豈惟畏淹留

得以免憂虞懼此平生情永言焉可渝

丙子十月二十八日初發鄉邑述征有作

旅宦忝從事卧疴輟歸田俛仰似昨日荏苒踰三年末
路謝貞素積習慚夤緣整駕別鄉邑薄言重徂遷瞻途
背梁宋振策指幽燕昔徃遺維繫今來就糾纏豈伊行
役歎畏此平生僞言嬰世迫物累撫化懷冥筌齊契百年
內高揖千載前慮存跡匪虧意愜道仍全斯言俟明哲
因歌遂成篇

月夜坐憶

明月三五時流光千里外
虛館風泠泠寒墀霜靄靄
不見南樓客徒憶西園蓋
懽酒無盈觴憂襟有餘帶
沉吟

靜夜思緬邈佳人會

陳卧子
云俊雅

詠燭

客醉北堂上花生夜戶中
色亂歌梁月影暗舞衣風
珠簾照不隔羅幌映疑空
願得陪長讌相看曲未終

雜詩 二首

植草會成蔓種木當為株休咎豈虛生景響不相踰呂
生釣奇貨蘇子挾陰符六國假相印萬戶割名都一朝
計不售倉卒蒙罪辜狙詐適自困傾巧定焉如生時諒
非榮既沒辱有餘達人安貧賤貴欲弭禍樞

玉以采自斲丹以澤自銷高才耀當時荼毒竟相招傅
子感飛蛾張公喻鷓鴣思患豈不微履險果焉逃嗟哉
世路間覆轍常所遭千金憚垂堂胥靡易登高願隨方
外士杖策歸蓬蒿

舟中看雨

微照下亭皋，輕雲翳川曲。
一望春波上，蕭條烟雨綠。
餘花飄近渚，衆鳥喧深竹。
借問同行子，何處停舟宿。

日暮

日暮坐東軒，直望西山曲。
白雲藹藹至，雨我牕前竹。
茲晨憚隆暑，披衣廢朝沐。
徙倚乘夕涼，清風散炎燠。
大象斡流行，變化一何速。
日新諒無取，年長祇多辱。
古人善補過，嗟爾當自勗。

北征

地闊塵沙外天寒霜露中
燕雲常少日朔氣自兼風
夢斷南樓鳥愁隨北向鴻
淹留憶攀桂辛苦歎飄蓬

九日同何仲默出郊

九日登高會同人載酒來
寒城一以眺秋色正堪哀
零雨晨初霽浮雲午未開
南飛有鴻鴈為爾立徘徊

答王允升省中對雨見憶之作

康樂愁霖唱平原苦雨詩
故人歌此曲贈我慰相思
薜

荔垂青閣芙蓉汎綠池今朝一樽酒最恨不同持
送毛敬父之廬州

北峽吞淮口東陵控海隅霍山分岳鎮肥水混濡須從
事之官遠觀風問俗殊廬江多小吏應候府中趨

七月十五夜對月

嫋嫋涼風夕紛紛零露時秋來看明月風露已如斯况
對西園酌兼懷康樂詩山中有桂樹今夜足相思

六月八日西關遇雨

窈窕西清內參差水殿連
歸雲向平樂飛雨集甘泉
明月裁班女迴風唱麗娟
龍池初望幸來往木蘭船

重游蕭氏園

別此真如昨重游換物華
粉滋曾倚竹紅淺舊看花
沙阪縈林曲山籬逐水斜
城南咫尺路未覺往來賒

負郭

負郭茅堂小臨溪竹圃斜
山樽移野客魚網曬鄰家
荒徑封殘雪疎籬透晚霞
預思春到日著處種桃花

玄明宮後圃石山

出郭仙城近探幽福地遙珠林行窈窕錦石上岿巖雲
裏仙人酒山中玉女簫蓬萊去何許東望海邊潮

村居

寂寞村居僻荒蕪草徑深飛蓬來曠野啄木響空林薄
落聊凝望清江正苦吟此生甘落魄自笑果何心

送周子賢按貴州

萬里牂牁路炎洲百粵南懸梯穿鳥道流沫下龍潭赤

坂竈鼉出玄厓日月含虹霓蒸海氣烟霧灑春嵐飛獮
緣篁竹垂猿墮石楠橘花香細細藤刺綠毳毳嶺外青
驄馭臺中白筆簪秦冠高鐵柱漢節照金函行邁應多
暇登臨素所耽江山吟謝客物色助清談送遠都無緒
憂時且不堪安危廷諍地遲子促朝參

送劉遵教赴河南僉事兼河北兵備

暫輟臺中妙兼分閩外名兩河開幕府萬里作長城卻
穀真堪帥穰苴本善兵追奔立表待傳檄據鞍成盜賊

空三輔烟塵埽北平閭閻無夜警部曲有春耕風勁吹
龍角雲輕抱翠旌遙瞻猛將氣偏逐使君行

寄崔內翰

病起身仍健秋來興不孤心情那可減肺氣欲全蘇蟻
穴依牀席蛛絲織畫圖塞帷窺物色倚杖理荒蕪撥悶
憑詩卷忘形付酒壺昔賢遺軌躅餘力誓馳驅良史傳
經術高才繼典謨赤鯨凌海水翠鳳上天衢仙籍通羣
帝文星近六符馬遷慙實錄劉向謝醇儒玄覽來神契

冥搜入奧區蓬萊披琬琰太乙下虛無顧我惟書肆知
君類說郭憲章崇闕里辭賦陋鴻都東魯宮牆閔西京
戶牖殊百家流汎濫六藝混混塗未覩崩頽振深思筆
削扶飛騰愁失墜衰蠅迫號呼落落親朋遠悠悠歲月
徂提攜如有分終願託微軀

送楊石齋

社稷功成後山林避寵年遭逢誰可竝出處獨超然反
側當前日經綸邁昔賢殷憂興聖主至治格皇天凶豎

同摧朽蒼生盡解懸廟謨隨指顧臣節見周旋智勇千
夫敵勳勞百辟先賞仍虛裂土名已重凌烟握璽漸周
勃揮金笑魯連急流嫌盛滿介石慕貞堅許國心恒切
還鄉興偶牽留侯初相漢樂毅晚辭燕異渥絲綸數高
風進退全草停黃閣詔花簇錦江船水檻星橋側茅堂
雪嶺邊雲霞深綠野卉木富平泉事業存鐘鼎儀型照
簡編累朝瞻翊戴四海憶陶甄白首歸休記青春送別
筵衣冠望行色端不異登仙

寒食對雨遣悶

一百五日春已深閉門風雨晝陰陰
乍飛燕子濕無那
欲折桃花嬌不禁歸去久淹滄海興
愁來端擬白頭吟
天涯節序堪愁思

一作厭見
繁華節

更遣蕭條斷客心

贈繼之

長安城中不可留風塵日日使人愁
上書解綬我將去
拔劍出門君且休五岳登臨幾兩屐
三江來往一扁舟
東西南北好行樂與爾相隨萬里遊

孫氏沱西別業

巴陵西來沱水深水邊樓閣長

一作自

陰陰鼉鼉夜出洞

庭岸虎豹晝啼雲夢林鼓柝乍逢漁父笑
寨舟時聽越人吟卜居何日從公去擬向桃花處處尋

一作避地欲從何地隱買

山須就此山岑

流觴渠

流觴泛激水手攬跳波濕恰怪杯行遲風吹忽相及

雲洞

洞門雙玉扇隔岫窺雲霧裊裊三石梁苔滑不敢度

折楊柳

三月盧龍塞沙中雪未乾朝來折楊柳春色憶長安

涼州詞

隴西西去抵涼州邊塞蕭條處處愁
青草不生青海曲
黑雲常聚黑山頭

皇帝行幸南京歌

燕姬玉袖抱箜篌馬上常隨翠輦游
春來照影秦淮水

愛殺江南雲母舟

雪

綠水初冰百子池
飛花正滿萬年枝
君王夜醉瑤臺雪
侍女冬歌白苧詞

春日漫興

二月黃鸝滿樹飛
歌喉宛轉世間稀
謝公雖有東山妓
不及儂家金縷衣

顧璵 三首

璵字英玉上元人璘之弟正德甲戌進士除南
京工部主事改兵部歷郎中謫知許州遷溫州
府同知升山東按察僉事終河南按察副使有
寒松齋存橐

詩話英玉為東橋從弟東橋詩有落魄吾家蘇
季子風流南郡小馮君蓋謫牧許州時所寄也
東橋闢息園以延賓客載酒促膝諸亭朋簪滿
座伎樂雜陳而英玉居隔一牆臨街小樓曰寒
松齋者坐卧其上訓童子以自給
所謂名教之外別有風猷者邪

再游石門洞

蒼然括東山百里縈青碧石門忽中斷窈窕開仙宅遙
窺日月深却轉烟霧隔中天屹樓居星斗挂几席芳巖
眩綺繡叢嶽圍蒼壁山鬼不避人驚猿嘯窺客披榛上
孤亭奇觀壯魂魄穹厓倚天懸瀑水半空射高流橫雜
佩直下垂足帛分作四山喧散為千頃澤初冬天未寒
晨曦映嵐赫重來意彌眷獨徃任所適信美愜心期胡
為老行役終然脫塵網高舉凌風翮

游西山宿廣智寺待月

本來游客意欲與月明期碧海深何許清光望轉遲
草香聞露墜林暗見星垂幸對尊中酒殷勤坐不辭

壽州題壁

去郡今千里還家尚幾程春風楊柳色相送石頭城

劉天民

五首

天民字希尹歷城人正德甲戌進士除戶部主
事諫南巡受笞闕下改吏部諫大禮又受笞歷
文選郎中調知壽州累遷河南按察副使改四

川以計典罷有函山先生集

詩話函山諫草兩陳再答闕下其調知壽州也
故事京官外謫出都時以眼紗自蔽過部門選
人擁其馬不得前函山擲紗于地曰吾無媿於
官俾汝輩見吾面日可耳蔡鶴江送以詩云元
祐黨人滄海外貞元朝士曉星前王耕原送以
詩云君不見盤中紫脂蟹疇昔橫行今安在又
不見坐上虎皮裯當日負嵎思殺人世間反覆
那可數鄙夫何事用心苦蓋以刺護人也晚又
以計吏罷憤懣不平恒逃于詞曲有云把俺這
沒嫂嫂的陳平也串下一個招李中麓每稱之

漳河

雲寒不離水騰作漳河霧葭莢稅嚴霜蒼茫未能渡斥

鹵際廣野望之迴積素憶昔趙魏時兵馬日馳騫公子
納遊俠結轍滿皇路佐國無定謀中原徒指顧享費壯
士金招延詞客賦豪華坐銷爍曾如草頭露坐食三千
人化為萬年墓哀哉丘中墟遺蹤遍狐兔

巴田

巴田不成井逐壟細開塍灌水分山溜燒畬去野芳三
時勤不輟八口飽方能寄謝當塗子民心未有恒

謝豹

謝豹豈人化哀鳴自可憐無端啼永夜不為客孤眠
悄悄風歸樹娟娟月在天訴深情轉劇血盡眼將穿

渭南道中用韻荅黃汝厓方伯

隴水秦關道路均春風花柳著行新烏巾斜日久折角
白酒誰家堪入脣晚歲始醒蝴蝶夢故園今返鹿麋身
天涯尺牘勞相問猶是漁磯舊友人

宮詞

黃花細雨掩金鋪罷却鍼工一事無才報成雙又分去

人間博戲等擣菹

鍾梁 一首

梁字彥材海鹽人正德甲戌進士授刑部主事
進郎中諫南巡杖闕下尋出知濟南府乞歸用
薦補南昌知府有西皋集

感事

師老寒潮上民勞烈火中是誰司國計何以慰宸聰憤
世多才子平戎少令公杞人憂不細掩袂向東風

林春澤 二首

春澤字德敷侯官人正德甲戌進士授戶部主
事遷員外謫寧州同知歷吉安通判肇慶同知
召為南京刑部郎中出知程番府有人瑞翁集

詩話百年上壽世曰徒然然或有過之者吾錄
滕安卿詩既授崑山周大賓新昌呂翁粗舉其
本末矣侯官林太守德敷百歲有司為建人瑞
坊榮之集中喜玄孫生詩云傳家二十有三世
老我百年仍四春蓋即於是年卒萬曆癸未歲
也德敷子應亮戶部右侍郎孫如楚工部右侍
郎

次潞河作

朝發都城闈夕宿潞河舟
歷落沙渚淨霜降菰蒲秋天
寒節物換河漢曉夜流
回望郭隗臺黃金不可求
廢興已陳迹懷古心悠悠

中秋清源公署

萬里秋光旅夜清
空庭倚杖轉傷情
月明偏照干戈地
風冷唯聞鼓角聲
東海魚龍俱寂寞
南枝烏鵲尚飄零
天衣欲把思無力
愁絕長安北斗城

陳九川 一首

九川字惟濬別字竹亭又號明水臨川人正德
甲戌進士授太常博士坐諫南巡削籍世祖即
位復官遷儀制司員外轉主客郎中下詔獄謫
戍鎮海衛尋放還有明水先生集

詩話明水釋褐忽曰漆雕開謂吾斯之未能信
吾可自信與遂上疏請告歸謁陽明講學及官
博士與舒修撰梓溪夏員外東洲萬主事五溪
共諫南巡一時有四君子之目既司主客為羣
小所憎重獲罪可謂信道之篤而九
死不悔者也詩非所長亦小有韻致

題桃源圖

偶攜鄉里入山川一隔塵寰幾百年世上祇言秦網密
桃源也有不租田

戴欽 一首

欽字時亮柳州人正德甲戌進士官刑部郎中
有鹿原集

同諸公寺中對雪

入寺金沙淨開林素雪飛風含珠閣動花傷藥闌輝酒

伴能相覓春筵賞不違仙郎有高唱轉覺和人稀

張治道 四首

治道字孟獨一字時濟長安人正德甲戌進士

授長垣知縣遷刑部主事有太微前後集

王子衡云

孟獨詩凌駕古今長篇如天馬行空 王元美

云張孟獨如罵陣兵瞋目揮袖果勢壯往 李

時遠云孟獨七言優於五言

一時關中諸公當出其下

與薛君采夜話

入夜杯仍把論交淚暗揮醉憐山

一作城

月上愁對海雲

飛江漢三年阻風塵萬事非故鄉南北遠猶恨不同歸
聞鴈

何事天南鴈春來又北飛為憂霜雪苦轉見羽毛稀江
漢愁余阻瀟湘笑汝違雲霄蹤跡異空有淚沾衣

白鷺


沙頭白鷺鷺飛向青山閣日暮行人稀還向沙頭落

清明日

草沒尚書履花迷御史驄長安佳麗處偏在曲江東



明詩綜卷四十



總校官庶吉士臣張能照

校對官檢討臣盧應

騰錄監生臣韓騰